

Shun 22 Sept 1898

大清光緒廿四年

本館新開除禮拜外每日出報一  
紙外埠均可函致本館取  
閱如外埠閱報加寄費不  
也除日本外常採辦外書裁  
借工本從優刊印各官紳  
紙印各器以待與英各國  
刊活字及各式花邊等延有  
西人排印工藝甚精所有  
印字大小機器均用精工刊

第五千零五十五號

# 申報

本館開設在舊巴口門牌第七號

印工緻絕倫並延有文士書  
寫各體文字現由上海購到  
各種書籍出售其書目另行  
刊佈所有各項原稿其相宜  
本館所登來札原稿亦須無  
礙於人而後始錄其有謾罵  
成文以及支離費解者概不  
登錄嗣後諸君來札尚祈  
自諒更須寫實里而後敢  
將原稿收回也本館謹白

戊戌八月初七日

大英一千八百九十八年九月二十二號拜四 每張售錢五文 每月一元 每季三元 每半年六元 每年十二元 凡欲訂閱者請向本館接洽

### 致校部盧抗議後

嗚呼吾今而知中國之言變法談洋務者之不自始也當咸豐之季年賊氛方熾而外禍已深其時留心國是者不過日割賦而已安外而已從未有知言變法以自強者亦未有敢言變法以自強者曾文正奏派出洋學生沈文肅創辦船政學堂至今論者猶以兩公有先見之明未雨綢繆迥非同時諸老之所能及乃以觀於馮林一先生校部盧抗議一書而竊歎老成謀國之慮遠思深也夫當時世變之亟猶愈目前筆上貴人向不知洋務為何物顧乃奮然大聲疾呼以為非變法不能自強在聽之者有不詫為狂言謔語掩耳而走者哉即能談經濟者亦不過目笑存之而已其知此書為四十年後之萬不可少而許為曲突徙薪之策者有幾人耶乃無何而世變之日深而日亟者竟不幸言而中而言變法者朝上一書夕啟一政隱隱然與先生之書相為發明而又若合符節於是朝廷始惕然有悟知中國前此非無命世之才所惜典刑已杳謫論徒存爰命大吏即其原板重印若干編進呈 乙覽俾便頒示臣民以資模楷嗟嗟農工與商務諸大政猶有言之而弗詳籌之未善者然於任賢使能之道裕民足國之方連鄉軌里之法典利除弊之端固已提綱挈領反覆陳井然然有條不紊且非剽襲陳言不學無術者之可比較諸盛世危言等書之假手於他人者不啻判若霄壤焉而其持論之尤不刊者如曰上與下不宜狎狎則主權不尊太阿倒持而亂生上與下不宜隔隔則民隱不開蒙氣乘辟而亂又生上與下不宜重民權而民權已無所不伸不言尊君權而君權自未嘗少損舉一切側重民權之偏見皆一掃而空又如言中國人無棄才不如夷地無遺利不如夷君民不隔不如夷名實相副不如夷此其說尤為洞明乎中外之局勢深中乎時事之元要者非當時執政諸公所能夢見及此近時之言變法談洋務者極譽泰西之善而痛詆中國之非甚至有詆及堯舜譏及周孔者由其耳目所及近時之言變法談洋務者極譽泰西之善而痛詆中國之非甚至淺一至於此此何異棄周鼎而寶康瓠輕和璧而重燕石哉是書臚陳所及莫不折衷前聖援引大經粹然儒者之言為都侯之揚摩尙書王安石之膠執周禮是書舉無其弊其言復古也則曰去其不當復者用其當復者而要以不啻於二代聖人之法為宗旨善哉言乎是蓋上下數千年而撮其要取其精儲之為救時之良藥者其量至遠而其願至宏矣惜其時中國言路未開未能以是書揚於王庭陳諸黼座耳向使朝廷早見是書即以其書中之所言者次第施行見諸實用且能以言舉人假之以鼎鉉之權委之以艱鉅之任俾得從容展布以盡其才使坐言者可以起行則神州數萬里之地黃種四百兆之人早已幡然改圖一變至道彼西人亦將相顧慙慙無敢詆視夫何至有政教凌夷之患夫何至有寇盜充斥之憂夫何至有強鄰逼處之慮夫何至有民窮財匱之虞乃至時危勢迫而始欲師其良法美意以冀挽回而不能識馮唐於未老之秋相仲淹於居鄉之日則雖絲繡子期金鑄平原曾何補於前此之扞戡哉雖然目下朝廷求賢若渴特開經濟之科古今中西之學雜然並重士之言西法者或蔑視中國之典章逞臆說者或弁髦往聖之明訓是書不域於西不囿於中不泥於今不遠於古可為目下言經濟者樹之型而示之的誠善之善者也曩者粵東何沃生於甲午一役之先即著有新政論議一書逆知中國有將來之禍然而示之的誠善之善者也曩較詳而於中朝弊病知之較審蓋作者已在先生數十年之後故能詳審精確 乙有物若是聞其人今猶伏處香港為海濱逸民以是知中國之人才遺於野者向眾特惜封疆大吏徒知彼其耳目於聲色貨利之中而不能物色於海隅絕徼而外而貢之於朝也

### 諭旨恭錄

○七月十七日奉 上諭成都將軍裕祥補授欽此○同日奉 上諭昨據吏部戶部奏刪訂則例辦理情形當經諭令將核定例章仿照史表分門別類列為一表使人易曉因思刪定則例各衙門均當照此辦理以歸劃一著該堂官等督飭司員悉心編輯毋稍紛岐欽此○同日奉 旨鑲黃旗護軍統領員缺著鈕祜祿額補授欽此○同日奉 旨金州副都統著奎鐸補授欽此○同日奉 旨鑲黃旗護軍統領員缺著鈕祜祿額補授欽此○同日奉 旨金州副都統著奎鐸補授欽此○十八日奉 上諭湖北襄陽府知府員缺著錫綸補授欽此○同日奉 上諭步軍統領衙門奏遵旨查封倉庫犯房產並獲匪情形一摺所有現獲之李大等十四名均交刑部嚴行審訊餘依議該衙門知道欽此○二十日奉 上諭禮部尚書著裕



祿李端芬署理禮部左侍郎著善壽王錫蕃署理禮部右侍郎著薩廉徐致靖署理欽此○同日奉 旨正紅旗漢軍副都統著榮年補授欽此  
○十九日奉 上諭親民之官莫如牧令自來循吏著續皆以養民教民為先務近來地方州縣皆有保護教民之事又有培植學堂之舉內政  
外交責成尤關重要非得明體達用之能員措置安能裕如著各省督撫留心訪查所屬地方州縣官如有通達時務勤政愛民之員即隨時  
保送引見以備錄用朕為國為民殷殷求治該督撫等務當屏去私心汲引善類方不負大臣以人事君之義欽此

基列電音 ○本坡實得力太晤士西報接初五日英京來電云土王現已允從各國海軍提督所請下令將基列諸回民所存軍器  
繳存於庫而英國駐紮基列之海軍提督則已向各國提督請其撤隊而回據云基列之事以做國軍力即可以鎮靖有餘無庸諸君駐兵相助  
云云但不悉各國否能如英所請耳

火山發熱電音 ○本坡實得力太晤士西報接初五日英京來電云美蘇美士火山現在忽又炸發山內迸出之熱土四處飛揚頗為  
可慮云云按美蘇美士火山係在羅馬都城近此數十年來常有炸發之舉而最後一次則在一千八百八十五年之際云

小呂宋電音 ○昨接巴黎來電稱文城黨人現因不遵約束之故情形甚為岌岌而駐紮文城之美提督尼維已電達美廷請增兵  
軍前往駐紮以防其變至亞魏拿多則已聲明該黨非屬美國所轄故美帥不能將其約束云云觀此一言則該處黨人已儼有與美為敵之勢  
更觀美帥之請添兵前往誠恐此事將來或不免於相見戎衣也

報應昭彰 ○班國之治古巴也悞於貪暴之官其治飛臘邊也則悞於陋劣之神甫以至外侮內訌一時并作遂令一敗塗地不能復  
振所有外藩屬土盡付東流致每歲由各外府撥入班京之項涓滴俱無而海軍亦復同捐一則在於古巴為美帥三臣所燬一則在於文城為  
美帥尼維所覆而其所耗戰費則約至十二兆磅之多今古巴一地經已淪亡而該處所欠外間公債猶須班廷認償而班國因此喪敗之餘元  
氣頓失至為歐洲各國之所不齒因而四處乞憐以求調停美班戰事今其國內情勢甚為岌岌不口即將有自相叛亂之虞他日國祚存亡猶  
未可卜而文城諸神甫之被虐則尤屬不堪種種所為幾無復有人理說者咸謂班廷之有此喪亡諸神甫之受茲慘酷悉由其平日恣弄威權  
苛虐華人所致蓋華人之在小呂宋地經營者為諸神甫虐待實屬不能名狀今若輩亦受此報應可謂天眼昭昭然則他處政令之虐待華人  
者其益以飛臘邊為鑒乎

北京會議航海章程 ○頃接倫敦來信云比利時國邀請地球各國派員齊集比利時京城會議各國航海及內河行船章程中歷六  
月初開會聚議計各國派員來議者共有三十餘國前比公使照會中國總署總署電致駐紮英倫羅穆星使就近派員赴會與議羅穆星使派  
出陳恩燾於五月底到比京月初入會開議六月底方可竣事現在想已議妥未知詳細章程如何俟有續聞再行登告

東粵裁官 ○本報前奉 諭旨有言裁官之事廣東巡撫一缺亦在應裁之列茲接粵垣來信謂粵撫許中丞接奉 電諭後即擬摺  
一切經於去月二十九日將印信文卷等項移交督署一俟交卸事畢即當回京覆命又悉譚官保亦將此事札行文武衙門其行廣州協札畧  
謂除奉諭印錄行廣東藩臬運三司督糧道欽遵查照將糧道應否裁缺同通佐貳等官應如何裁汰文武各缺如何裁減歸併辦公各局所如  
何裁併冗員如何裁撤候補分發捐納等項人員如何甄別裁汰分作五條會同悉心核議限一月內逐條詳加稟覆以憑察核覆奏 朝  
旨嚴切限期緊迫慎勿草率稽延外札仰該將即便欽遵查照將所屬武職各缺應如何裁汰歸併悉心議定十日內詳細稟覆立等覆奏毋稍  
違延云云

西匪續談 ○官軍圍攻西匪連復陸川北流與業容縣各城迭登前報茲接續西來簡言近日土匪情形各處已無大股逆匪惟有零  
星小隊竄匿空山而博白則有北海鎮劉軍北流則有江協戎軍容縣則有蔡遊戎軍鬱林與業則有高廉欽道潘軍陸川則有高州鎮潘軍並  
有廣西提督蘇軍二千名分紮各處可以無慮去月中旬陸川屬之白馬山寨有匪盤踞為潘鎮軍所聞立即督飭方都戎桂東方都戎兩營  
前往圍捕與匪接戰斬匪目邱大刀五等四十餘名救出難婦數口該簡又言西匪之擾也鬱林各屬固當其衝而東省之信宜實與相近匪  
既擾於各軍不得西逞勢不得不乘虛轉而東奔近聞竄走高州之匪首李立廷李兆卿等月之中旬率黨千餘竄踞陸鎮墟攻擊信宜城當經  
潘鎮軍聞知立即調部下莫善積都戎大隊赴援該匪被擊解圍乃往北流六靖一帶山寨聚黨現潘鎮軍以該處與花州毗連恐有意外自陸川  
拔隊與方桂東都戎回防然大軍所至草木皆兵鳥合之餘誠不足為害矣

未設議院 ○京師友人來簡云月前有人條奏請立議院當交軍機及總署議奏本月初經大臣等具摺奏駁乃 皇上仍有意設立  
嗣經軍機大臣奏對以張香帥勸學編內有力駁議院非是之語 皇上始籌思再四准予議駁想議院之設從此可作罷論也

會議農工商局 ○京城設立農工商總局各省設立分局日前已見邸抄 上諭茲悉榮中堂以直隸為各省首領而天津尤為南北  
通衢急應首先遵辦以為各行省之先暨因札飭藩司裕方伯運司方都轉海關道天津道李任兩觀察并特派候選道王苑生楊俊卿譚芝雲  
聶秋桐四觀察會議設局辦事之法聞二十三十四等日均齊集院署內洋務局安籌辦理其辦法如何俟有續聞再行登告

西藏政治 ○駐藏大臣如有交涉事件必商諸達賴喇嘛遇有碍難之事達賴必推諉之三大寺眾共議眾喇嘛等不允其俗官嘯布

倫亦不能主其事聞茲文帥遇事往復辨難其可行者斷以必行否則稽查舊案必折衷至當達賴頗信文帥辦事認真不敢稍涉詭慢云

俄人經營滿洲煤礦 ○現在俄人之往滿洲者惟日孜孜以開拓利源為事茲恐有熟諳煤務之俄人偕礦師工匠人等并馬兵一隊由海參威前赴琿春其意欲包辦該處之煤礦查琿春在韓俄之間距俄所轄之要領名腦服克一司加者約二十英里為海參威入滿洲必由之路并為滿洲現築鐵路所經之地且煤產甚富足供鐵路及海參威兵船之需雖煤質稍軟而種却佳惜華人合力與辦惟以舊法從事故開採無多而銷路亦不廣每頓售價以合英金六司令同時又有向在俄國南方經理煤務之礦師奉俄廷之命至滿洲細察其餘產煤之處欲得一價廉而運便之煤礦為已權所轄者供海參威及太平洋船艦之用以冀大興其利於滿洲焉日下俄所用之煤悉仰給於日本設有意外事起日本必將禁煤出口俄將有煤斤不繼之虞俄之所以竭力經營維恐不速者正為此著耳譯英天津報

日相行踪 ○日本伊藤侯游歷來華情形疊誌前報茲有人探悉伊侯近日尚在高麗漢城須至釜山仁川等處游歷後乘該國肥後丸船至燕臺然後來津大約二十四五日可以到大沽聞其所帶隨員共有四人書記官森大來漢又繙譯官橋原陳政英文繙譯官頭本下議院議員時岡

與言抗例 ○日本報言聞日廷議增進口糖稅值百征十五元歲中可增稅至五十兆元惟據糖商言即照數增抽亦不至多至五十兆之多大抵不過二十兆元而已蓋稅重則生理減色議院果舉此行例橫濱東京兩處糖商必起而抗之不特日本商為然洋商亦必稟請本國政府拒之聞日本亦願遵從每百抽十之數至百十五新例斷難允從

印度多蟻 ○印度為地球適中之地自歸英轄整頓商場開通鐵路統計不下五萬餘里其需款浩繁概可知矣初用木料為基地填以碎石架以鐵軌備極牢固奈白蟻最多其害亦最烈常有今日暫置木料於路旁以待明日之用及清晨起視則白蟻如麻嚙已殆盡所餘者惟木屑耳即電綫桿及停車之房屋無不為白蟻所壞督辦之人籌思無策惟有改用鐵石兩項然後蟻患為之一除至於民居舖戶所用椅桌廚櫃苟非用石承墊勒加拂掃則不俟終日而悉成碎粉其蟻害之烈有如此者第是處之人習慣自然不以為異若易地以居吾知其有不能安於寢食者矣又查該處鐵路之車分為四等其一二等車多係英美之人所乘坐土人雖擁有巨資亦附搭二等車因一等稅價頗奢故僑商者不敢過問也至常人多坐三等車貧苦者則坐四等車蓋三等之稅最廉以中國銅錢計之每行一里每人約需稅價三文四等車約需二文所費無多而行走極捷以視中國之僱坐肩輿其奢儉遲速相去為何如耶

勁旅將成 ○武林友人來函云浙省水陸滿漢駐防綠營現皆兼習西操以成勁旅如省防八旗已奉濟軍憲 奏准奉旨一律改用後膛新鎗朝夕訓練俾有實效刻由奉撫憲在楚軍中挑選年壯性敏之兵數十名編為一隊駐紮普寺武備學堂每日上午與武備諸生一同學習試準打靶等事午後授讀中西兵法測量算學派該營弁嚴勤督課不得稍懈聞俟學成後擬發往外洋大學堂卒業調回簡用似此整頓武備諒不難轉弱為強也

嶺南雜錄 ○佛山善堂已有數處惟通津利步坊一帶向屬闕如好善之徒咸以該處人士距各善堂頗遠且每有假座此間講各種小說以賺錢銀而彼方之人亦多有側耳以聽者因欲乘民之好而導之以義在此地方倡設一善堂日講善事使之領畧現贊翼誠善堂聞有此言經即在此擇地分設以期推廣人之欲善誰不如我彼董董諸君諒亦以實心行實事歟○粵垣時敏學堂之設也本報曾將其開辦情形送登茲悉該堂紳董復具稟學轅請發鈐記以資辦公業蒙學憲批示准其自刊於月之廿四日親臨開課以光盛舉而樹風聲為 國求賢學憲有焉茲將批示照錄於左 創辦時敏學堂紳董舉人鄧家讓等稟 批該紳等請頒發鈐記以為印卷辦公之用應准其自刊木質時敏學堂監院鈐記一方以昭信守本部院於本月二十四日親臨開課餘並照所請辦理鈐記式樣並發○西匪之擾也所有駐紮省垣西關之安勇均行調往以厚援兵惟西關一隅殷戶富商鱗排櫛比地方遼闊搶劫時虞是以特將潮勇派駐分防以資護衛然鄭鎮軍現已凱旋故所有前駐西關西禪寺等處之潮普選鋒勇丁昨日經其帶帶官方千戎拔隊移回老城現在西關一帶仍歸安勇分頭防守云○勞奕卿太守吾粵之鶴山人也以檢討京察一麾出守補授安徽廬州府知府蒞任以來政聲卓著茲悉太守已於月之十五日乘輪回東聞太守此行係因委辦礦務夫西國之富多由於礦而吾國之礦獲利恒少說者皆咎未得其法未有其人之故今乃假手於太守太守其勉乎哉

無福消受 ○世間無奇不有然未有奇於西班牙十二世阿魯甫翁索王所蓄戒指一枚極其華貴上嵌翡翠金剛石明珠雕鑲之工不可名狀王曾以此戒指餽與王后王后佩之未幾竟逝此戒指遂歸諸王太后王太后佩之未幾亦逝仍歸於王王賜希臘公主公主受賜未及一月去世又為蒙度亨雪魯侯爵女公子所得後九日即一命嗚呼王以為不祥不復饋人遂安置於已臥房之暗隙又未幾而王亦薨此戒指後竟無人敢領亦不宜藏於王室遂送往班京懸於聖女像之胸前雖燦爛奪目自然無人敢竊恐速其死也

橫濱大同學校頌 聖詩 ○橫濱中國大同學校自二月開館來學生徒共有百五十人其師徒于來復日歌詩習禮頌揚 孔聖今得其尊 聖詩九章爰錄之以告天下○嗚呼鮮民兮惟生多艱逝世屯危兮區城分爭歲役兵車膏塗陸津惟天降鑿哀我下民以師代君誕於尼山 師代統一成○尼山律萃猗彼魯東靈麟吐書寶縱睿聰智周萬物道與天通脫然世表豈不雍容乃心旣旣實哀氓蒙誓言拯之共

其吉凶 尼山聖二成○乃顧四國駕言周游其車揭揭其馬秋秋眷彼較童不即我謀汚塵濫大豈不思休哀我生民懷我東周 四國游三  
成○兩河舊都天下之中朝多都美其野荔豐穠歟三代未至大同三駕至止誰知千衷依我聲聲南北西東 衛擊磬四成○天我歲晏兮我  
車偶兮天命攸消不為君兮歸歟歸歟吾黨多狂簡兮四方攸從朋三千兮徒屬六萬儒先先兮瞻彼壇杏條附彌天兮 創儒教五成○惟昔  
之制失其綱惟今之制立其常德生於天疇敢不望改制立義託之先王造作文字經列緯張繡之十二分之陰陽道備天人莫敢不莊範圍萬  
世實為素王 經改制六成○惟彼麟兮昌王道兮王道之明游我數圃兮今非其時來何故兮天命有德徵蒼蒼兮吁嗟麟兮傷美人之遲莫  
兮人知春秋之改制兮不知堯舜之得路兮 麟絕筆七成○惟儒教師仲尼大弟子凡八支根條昌敷附藹離披匪彼貴勢惟行道之知國立  
博士人誦書詩凡彼九流亦我附枝厥道闕衍為天下師 傳儒教八成○炎漢興用孔制春秋學以經世絕異端一統治三雍湯湯縫掖萬方  
帝者執經夷裔衣裳凡二千年懷我三綱俎豆莘莘仁治日彰曰夫子之文章 受孔治九成

山海探珍 ○前報峇株巴葛會長在轄下帆帆覽之張厝港內山查獲寶石礦一事茲悉該會長經已集資開採昨有友人由該處來  
叻者云此礦探得之石有作淺紅色者有作白色者惟石質尚嫩不能作為珍飾幸其理緻潔細可以用為器皿等類據見者謂此礦之石較勝  
於滇南大理所產者云又有容由鳳舞鸞到叻者云該處附近之加那務海島近有人尋獲燕窩洞數處其洞係為石峽計有數十丈之高以故  
採取頗難惟所產之燕窩異常潔白係為上等今聞有某西人已聞風前往欲與土人商酌設法開採以殖利源矣

上控仍虛 ○前報叻產園婦洪意娘陳出娘因犯十二枝案經府堂訊定意娘罰銀二千元出娘罰銀一千元無銀概禁三閱月意娘  
等情有不甘因赴臬堂上控一事茲悉此案於初四日已在臬堂訊定仍照府署原斷而行意娘等無可如何於昨初六日經已遵斷就獄矣

棍徒送院 ○葡人吉力前者極以偽金盾行騙於人被其騙者甚多嗣經緝獲於是諸人乃紛紛赴案控告茲悉有司因其屢犯不悛  
因疑係患有失心之症爰飭將其送至瘋癲院中察驗嗣據驗得其人果係心神不定故現已將其送交瘋癲院中調治矣

傷人案錄 ○詔安人林玉生向在小坡正興街第八十三號門牌開設聯發號生菓生理初五晚與其同籍人某甲因事口角遂成打  
架詎竟被甲以刃刺左臂二處小腹一處而後逃去迨林鳴捕至則該甲業已在逃嗣聞人言甲係竄至舊巷舊街德春棧烟廊之內即經巡差  
到該烟廊查察則并無其人惟將廊主閩人陳衛一名獲回差館嗣經查得陳與兇手無涉爰即將其釋出聽候緝兇徒即將林送去西醫院  
中調治云

殺人案再訊 ○潮人盧長德持刀至松柏東街福隆發號內殺斃閩人蘇鋼之妻粵婦細根一案初六日復經府尊提訊并傳到福隆  
發號東主閩人陳乞到案取供并囑地稅局到該屋內將其樓下房室繪圖貼說以憑詳究是日尚屬未經訊定命展至十三日再訊

公堂紀案 ○前報西人伊禮然勝士拘獲福清車夫林泉等三人云於去歲竊其硝石等物計值三千元一案昨復有叻產潮人余文  
江赴案請票拘獲此案線人福清人胡能一名送於府案初六日府尊提訊據余供稱盜竊硝石之案余并不知情乃該線人竟妄指此硝石賣  
於余處得價七十元并引暗牌總差至余家中查搜并無贓據顯係意圖傷擾心不能甘故特請票拘之等語府尊提訊畢命展至十一日再訊

○前報潮人陳錦合控告三板榜人吳振盛竊獲七百餘元一案同日復經府尊提訊一次命展至十一日再訊○前報丹戎巴葛僱有牛車載  
布五箱前往廿八洋行被其逃竊一案先經暗差獲有牛車一輛并車夫一名嗣經查明係屬誤拘故已將其開釋茲聞此案復經暗差於初五  
晚在小坡域多利街緝獲閩人陳貴一名云即此案匪徒當陳被獲時并經暗差在其身中搜獲花會字據一張爰將其送至府堂同日府尊提  
訊畢命展至十三日再訊○大坡新街彩鳳樓妓女羅亞銀昨控告客人黃亞義等八名於案據稱黃等於初五夜十二點鐘時來春尋歡詎竟將  
紅氈扯破并將房中陳設各物搗壞值銀九元等語同日府尊訊畢判第四名至第八名各罰銀二元第二三名無干省釋惟第一名黃亞義則  
命送至光成號映取其相存案

京報選錄 ○總理衙門 片再現在上海設局編譯東西文各書實為講求新政之要若在外洋就近購譯見聞彌廣且外國議院每  
議成一事輒刊成卷帙分送使館臣等查出使大臣羅豐祿伍廷芳慶常於英法兩國語言文字素所諳練宜令就西政西藝各種西書由使館  
繙譯再由該大臣詳核潤色務令中西文義貫通譯成之書每半年彙寄一次由臣衙門進呈 御覽所需經費應准其核實開銷如蒙 俞允  
即由臣衙門咨行該大臣等遵照辦理謹附片具陳伏乞 聖鑒訓示謹 奏奉 硃批另有旨欽此○奕劻跪 奏為恭摺代奏仰祈 聖鑒  
事竊臣衙門據工部主事康有為具摺一件懇請代遞臣等公同閱看摺內所陳尚無違礙字句不敢廢於 上聞謹將原摺一件進呈 御覽  
伏乞 皇上聖鑒謹 奏○工部主事臣康有為跪 奏為請開農學堂地質局以興農殖民而富國本恭摺仰祈 聖鑒事竊竊萬寶之原皆出  
於土故富國之策盛出於農上古重墾闢有盡地力之教外國講求尤至城邑聚落有農學會察土質辨物宜入會則自百穀花木果蔬牛羊牧  
畜皆比其優劣而旌其異等田機各等機器各式農夫人人可以講求鳥糞可以培肥電氣可以速成沸湯可以暖地脈玻璃可以禦寒氣播  
種則一日可及數百畝刈禾則一人可兼數百工擇種一粒可收一萬八千粒可食人一歲二畝可食人一家泰西培壅近用灰石燐酸骨粉故  
能以瘠壤為腴壤化小種為大種化淡質為濃質易少熟以多熟比較則去耜而從良鼓舞則用新而去舊農業自盛故有土此有財安有萬里

能

能

能

能

能

能

之地而患貧者哉今日人皆知言礦而地下之礦無憑地面之礦有據農者地面之礦也不開地面之礦而遽求地下之礦得無本末削失乎伏乞 皇上飭下各府州縣皆立農學堂酌擬官地公費令紳民講求開農報以廣見聞令開農會以事比較每省開一地質局詳農學之書籍農學之圖延化學師考求各地土宜以勸植土地所宜草木將全地繪圖說進呈御覽並飭各州縣土產人工之物購送小樣到其省會地質局種植陳設以廣試驗而便考求擴見聞而興物產其通商口岸若上海廣東為中外大市則設地質總局有可推行外國者皆令送小樣至總局以便外國人閱看購取庶幾商業盛而流通廣農業並興地利益出而國可富查古者大農官唐采有勸農使外國皆有農商部可否立農商局於京師而立分局於各省以統率之出自 聖裁臣愚一得之見伏乞 皇上聖鑒訓示謹 奏奉 旨留覽

配米赴厦平糶續報 ○啟者本董事所有辦米附船回厦者前經刊報通知矣茲於初五日復配豐揚輪仰光白米五千八百十三包計重九千九百担又日前托宅郡探辦安南白米五千担配寄西山輪前去現仍陸續赴越辦米回厦合亟附聞  
厦門平糶局駐叻籌捐董事公啟  
大清光緒廿四年八月初七日

催收捐冊 ○啟者頃閱星報所錄來稿照登告白一紙據稱泗水諸商公啟閱悉之餘頗堪詫異查泗水諸善翁捐助厦門平糶一事甚為踴躍好義欽佩莫名溯本局於本年五月二十日接到泗埠美源號來電由滙豐銀行滙來平糶緣款四千元當經本局將其大概情形附登報牘至廿八日復接泗水諸商公函稱泗地所集捐款約有六千餘元茲先將四千元滙上其餘款及捐冊容日當一併寄來等語乃候至今日仍未見泗地 諸君將緣簿寄到是則欲登報牘亦無芳名可列邇來厦門等處米價復起本局今已再撥米石前往續充平糶所望泗地諸善翁速將捐冊及所捐餘款寄到俾得以充善舉更得按照捐助諸君之芳名數項刊登報牘以息浮言謹代百萬黎民百拜九叩乞禱之至  
厦門平糶局駐叻籌捐董事公啟  
大清光緒二十四年八月初七日

辭伴聲明 ○啟者小坡美芝律第二十九號門牌恒裕成椒蜜土油生理向情有王經天在店司理買賣之職茲因王經天志欲別圖業於本月初三日辭出用特佈告週知嗣後王經天如向各寶號賒取貨物以及借揭等事惟向他經手是問與做恒裕成號無涉特此佈告  
大清光緒廿四年八月初六日  
小坡恒裕成號謹啟

辭伴聲明 ○啟者本號向用陳益昌在店司事現在已經辭退嗣後陳益昌在外與人往來交易以及一切事宜概為經手是問與本號無涉特此聲明  
大清光緒二十四年八月初六日  
源成順號謹啟

退股聲明 ○啟者新嘉坡草市街即北律門牌第二拾號福隆餅乾店係予自創今予意欲別圖願將福隆字號并旋標傢私什物貨物等件一概頂與吳文權翁承坐已於七月廿五日交易清楚日後福隆號生理盈虧不干予之事特此聲明庶免後論  
光緒廿四年八月初二日  
福隆號周金權謹啟

承頂聲明 ○啟者新嘉坡草市街即北律門牌第二十號福隆餅干店乃周金權自創茲因周金權志圖別業願將福隆傢私什物貨物等件全盤一概頂與予承受經於七月廿五日交易清楚仍以福隆字號及旋標行用日後福隆生理盈虧不干周金權之事如以前福隆號有欠到諸商翁各項揭借貨賬會項等款限一禮拜內前來理會逾期不到係是自誤特此聲明庶免後論  
光緒二十四年八月初二日  
承頂福隆號吳文權謹啟

購緝賊贓 ○啟者余出洋遊歷近日由嶼抵叻暫寓牛車水戲園後街即亞呂棉打實得力第十八號門牌寶隆打金店二層樓上於本月廿八早天向未明之際忽然失竊計被竊去檳榔嶼銀紙共六千三百元金表二個一表乃女庄小表兩面燒青一面係孔雀開屏花一面係人物花一表乃大號問表按之自響者此外并有金練二條表墜內有大真珠一粒珠頭鑲有小磁石一粒又戒指四隻亞納香油一大樽并有葡國之入籍紙一張及衣物等不知被誰所竊茲特懸賞緝求無論何人有知賊踪者可至朱廣蘭號報明俾得引差往緝若能緝獲贓物無論多少願與報信人對半均分如無贓物止查回此入籍紙亦賞給報信人花紅銀一百大元決不食言特此佈告  
大清光緒二十四年七月三十日  
朱廣蘭號朱次生謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售  
光緒廿四年七月十八日  
藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得  
光緒二十四年七月初三日  
叻報館代啟

報館面詢便得  
光緒二十四年七月初三日  
叻報館代啟

**新到上等機器油**

啓者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告  
大英一千八百九十八年八月十八號  
翰珍目兄弟公司謹啟

**實知賓西醫鑲牙告白**

啓者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲妥如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并為烏里燕達性命保險公司代理華人性命保險之事 諸君賜顧請至木得里路第六號門牌樓上面商為盼  
大英一千八百九十八年六月二十八號  
牙科醫生實知賓謹啓

**店舖出租**

啓者茲有店舖一間坐落灣仔嶼第廿五號門牌即順源棧之隣前經該棧稅為貨棧者茲欲將其樓下及後樓出租與人諸君有欲稅住者請至墊邦路頭豐興號內向余詢問便得特此佈聞  
光緒廿二年十月廿四日  
薛連錫謹啟

福建漳洲府詔安縣江大恩先生精岐黃之術存保赤之心發藥不虛活人無算於何見之緣豚兒本年正月間偶沾外感之症午後潮熱發嗽延醫治理後變為癆嗽初不以為要及至閏三月忽爾骨枯肉脫昏迷不省人事兼以泄瀉日夜臥於床席諸藥罔效幸允昌號黃孫江兄見此症危甚特地為余保荐云非江先生難期奏效於是敬延診視不數劑而藥到春回十餘日而大病消除精神強固於戲先生醫道可謂神矣具此手段非折肱妙手曷克臻此昔人所謂一鄉有良醫乃一鄉之福一邑有良醫固一邑之幸先生今在豆腐街口致中和藥行內懸壺濟世豈非卑嘉坡之幸哉余先受其福焉為泐數言以鳴謝悃甚願有采薪之憂者登堂請教定下同躋於仁壽也夫  
大清光緒廿四年七月廿三日 鄭譽錦敬啟

**時雨軒藥酒發售**

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致悞惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在芙蓉埠廣生號寄售 一在吉隆坡恒棧號寄售  
大清光緒廿四年六月廿九日  
時雨軒主人謹啓

**正呂宋烟發客**



啓者本號親自在小呂宋採辦意未印拿廠揀選正地道烟葉製造各款星妹夢仙花翠雙馬呂宋烟枝經已馳名中外其雙馬夢中更有二百庄白結度經尤為冠美氣味香順蒙探客留心細察庶免魚目混珠今在新架坡馬交街門牌第四十三號並承辦各款呂宋烟發行貨真價實最屬相宜以圖久遠 諸君光顧請移玉到本號面議昂禱各款麥頭太多不能盡錄謹此佈 聞  
大英一千八百九十六年十月十九號  
新嘉坡馬交街生昌泰謹啟

**豐源號**

輪船開行日期  
本號輪船往來各埠船期開列如左 在各埠往實叻日期  
由麻六甲往芙蓉每逢禮拜二六日中午十一點鐘開行  
由各埠回實叻之日  
由麻六甲回芙蓉每逢禮拜二五日上午十點鐘開行  
各輪船在叻往麻六甲吉隆坡實蘭午 等禮拜五日三點鐘開行特此佈  
新印台灣地圖寄售 啓者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為致究者 諸君賜顧請移玉至本館面商可也  
大清光緒二十四年五月十三日  
本館謹啟


在實叻往麻六甲每逢禮拜一五日下午四點鐘開行  
由芙蓉往吉隆坡每逢禮拜二六日下午六點鐘開行  
由吉隆坡回芙蓉每逢禮拜二四日下午四點鐘開行  
由麻六甲回實叻每逢禮拜二五日下午四點鐘開行  
豐源號謹啓

新印台灣地圖寄售 啓者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為致究者 諸君賜顧請移玉至本館面商可也  
大清光緒二十四年五月十三日  
本館謹啟



售發廚鐵名馳

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商

所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

售出品三

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



賣發酒密烏



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

賣發酒蜜



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧所為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟





光緒三十四年八月初六日 滙豐銀行行情 叻報刊

舊烟土	無貨	新烟土	七百二十五元
上甲錫	四十三元二角半	叻白椒	廿二元八角
叻甘蜜	五元零五占	叻青每担	四十五元
足金每望葛	七十九元二角	吧青每担	四十五元
呂宋青每担	五元七角半	金盾一個	十元零三角半
金盾行情		印度盾	一百四十九盾
爪亞盾	一百元兌		一百二十盾
滙票行情		銀行利息	九八仙
滙香港	銀行現銀票一百元銀行貼出		二角半
滙廈門	銀行現銀票一百元貼銀行		一元
滙加勝巴	銀行現銀票一百元貼銀行		一元
滙泗里末	銀行現銀票一百元值		一百十八盾
滙三寶龍	銀行現銀票一百元值		一百十八盾
滙望加錫	銀行現銀票一百元值		一百十八盾
滙井里汶	銀行現銀票一百元值		一百十八盾
滙仰光	銀行現銀票一百元值		一百十八盾
滙加里吉	銀行現銀票一百元值		一百十八盾
滙上海	銀行現銀票一百元值		一百十八盾

火 船 開 行

蘇坡	依沙嗎勝輪船	初七日	下午二點	豐源號
香港	漳福建輪船	初七日	下午四點	合隆號
汕頭	廈門	又	又	又
檳榔嶼	嗎下兒蘭喜輪船	初七日下午三點	下午三點	棉不必洋行
荷禮禮	巴東	又	又	又
加勝巴	實打珍火船	初七日	上午七點	棉不必洋行
望加錫	又	又	又	又
安汶	萬勝	又	又	又
上海	蘇丹蠻蘭葛輪船	初七日下午三點	下午三點	漢牙洋行
仰光	烏勝峇里亞輪船	初七日下午三點	下午三點	莫實德洋行
檳榔嶼	宜施勝輪船	初七日	下午一點	明嗎也洋行
高浪霧	望眉	又	又	又
麻六甲	新寶密輪船	初七日	下午一點	慶發號
寧宜	又	又	又	又
藤坡	建陽火船	初七日	下午二點	瑞昌號
麻六甲	又	又	又	又
檳榔嶼	瑞生輪船	初七日	下午三點	莫實德洋行
加里吉打	又	又	又	又
網咯	施答汝輪船	初七日	下午四點	棉不必洋行
麻六甲	爾勝輪船	初八日	下午四點	實得力公司
吉龍	大白蠟	又	又	又
網咯	海濱勝輪船	初八日	下午四點	棉不必洋行
麻六甲	嗎礁丕輪船	初九日	下午三點	豐源號
吉龍	又	又	又	又
麻六甲	薩寶輪船	初九日	下午四點	實得力公司
芙蓉	吉龍	又	又	又
檳榔嶼	勞沙輪船	初一日	下午二點	德記號

前途來電云 英國郵名巴勝馬打本月初三日 由高浪霧啟程來叻 定於本月初九日禮拜六即能抵叻 上落客貨 訖即往 香港 上海 等處